

Bophelo bjo boima



SEPEDI

Kgato
ya:

1

Puku ya

2



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tliego go e bala. Boledišanang ka ga diswantšho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantšho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tloltlontšu ye mpsha (lebelela lenaneo la tloltlontšu ye mpsha kua bokagareng bja letlakala la mafelelo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhaologanyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tloltlontšu.
- E re barutwana ba ngwale mešongwana ya dihllopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng
tša sengwalwa ge go kgonega.



Barutwana ba swanetše go dira mešongwana
ye e theilwego godimo ga go bala ka dihllopha
ka morago ga ge ba badile. E re barutwana
ba šome ka dihllopha go ngwala mešongwana
ya maleba ya go bala ka dihllopha yeo e lego
kua mafelelong a puku. Ba se ke ba ngwala
ka pukung ye. Mešongwana ya go ngwalwa e
swanetše go ngwalwa ka dipukung tša bona tša
go ngwalela.

Bophelo bjo boima



Lehono Thati le Ann ba namela
pese.

Kolo wa batho, ga se a kgona go
namela pese.

"Aowa Kolo, o ka se kgone
go namela! Dimpša ga se tša
dumelelwa!" Thati a realo.



Lehono Thati le Ann ba ile
bokgobapuku.

Kolo wa batho, ga se a kgon
go tsena ka bokgobapuku.

“Aowa Kolo, o ka se kgone
go tsena! Dimpša ga se tša
dumelelwa !” a realo Ann.



Lehono Thati le Ann ba ile
lebopong kua lewatle.
Kolo wa batho, ga se a kgona
go dula le bona mo lebopong.


"Aowa Kolo, o ka se kgone go
ya le rena! Dimpša ga se tša
dumelelwa! a realo Ann.






Lehono Thati le Ann ba
ile go bapala phakeng.
Kolo wa batho, ga se
a kgona go tsena ka
phakeng.

"Aowa Kolo, o ka se kgone
go tsena! Dimpša ga se tša
dumelelwa! "Dimpša ga
se tša dumelelwa!" a realo
Ann.





Kolo wa batho! A dula ka tlase
ga mohlare kgauswi le heke.

"Grr!" Kolo a realo. O ile a
leta, a leta, a ba a leta.

Kolo o ile a swarwa ke boroko.

Zzzzzz ...

Ka morago a thoma go lora.





Naa Kolo o lorile eng?

Kolo o lorile a le ka peseng.

"Ke tla dula pankeng ya ka pele,"

Kolo a realo.

Kolo o ile a lebelela ka ntle ka

lefastere la pese.




Kolo o ile a lora a le ka
phapošingborutelo.

Kolo o dutše pele ka
phapošingborutelo.

“Nka se lete dijo tša nako ya letena,”
a realo Kolo.

“Nka se lete nako ya go raloka,”
a realo.




Kolo o ile a lora a le lebopong.
A epa santeng a bile a sesa godimo
ga maphoto a lewatle.


Kolo o be a ipshina kudu.

"Bophelo bo bose!" a goelela
ka lethabo.





Ka morago Kolo a lora a le phakeng
le dimpša tše di dingwe tše ntši di
kudu. Dimpša tše di kgolo le dimpša
tše di nnyane. Dimpša tše di telele
le dimpša tše kopana. Kolo a kitimela
moswinki. "Swinki, swinki!" A opela.
Kolo a namela melekramo a dikologa
a dikologa, godimo ga wona.



O ile a namela le go theoga
sethedimuši. O ile a ya godimo le
tlase godimo ga kota ya go išana
godimo le tlase ke gore siiso. Ka
morago Kolo a epa mokoti mo
santeng. Kolo o tloga a ipshinne
kudu.

Gomme bjale ...

Thati le Ann ba tla hekeng.

"Tsoga Kolo! Re ya gae bjale," a realo Thati.

"Hmmm? Tsoga?" a realo Kolo, a saswerwe ke boroko.

"O ra gore ke be ke lora?"

"Aowa! Bophelo bo boima!" Kolo a nagana bjalo.




Mešongwana ya go bala ka sehlopha



1

Lebelela diswantšho. Botša mogwera wa gago seo se diregago seswantšhong se sengwe le se sengwe. Botša mogwera wa gago gore ke seswantšho sefe seo se swanetšego go ba sa mathomo, ke sefe sa bobedi, ke sefe sa boraro le gore ke sefe sa mafelelo. Bušeletša kanegelo, o e botša mogwera wa gago ka go šomiša diswantšho.



2

Diragatša kanegelo.



3

Balela mogwera wa gago mafoko a a latelago.

Ka morago, bušeletša kanegelo o e botša mogwera wa gago ka go bala mafoko a, ka tatelano ya maleba.

1. Kolo o lora a le ka gare ga lewatle.

2. Kolo o lora a le phakeng.

3. Kolo o swerwe ke boroko a le mo hekeng.

4. Kolo ga se a kgonà go tsena ka phakeng.

5. Kolo o a tsoga.



4

Feleletša mošongwana wo.

- a. Hwetša lentšu mo mothalong wo mongwe le wo mongwe le le swanago le lentšu leo le lego ka kholomong ya mathomo.

lebopo	popego	leboto	lebopo
puku	kuku	puku	koko
bjang	mang	neng	bjang
thutha	thutha	thotha	thula

- b. Hwetša lentšu mo kanegelong leo le nago le tlhalošo ya go swana le ya mantšu a:

bothata

letsikangope

bapala

gopolà

molete

mamohla

c. Feleletša mafoko a, ka go šomiša matlema:

Kolo ga se a kcona go tsena _____ bokgobapuku.

Kolo ga se a kcona go tsena _____ phakeng.

d. Hwetša mantšu ao a nago le medumo ye e latelago mo kanegelong gomme o a ngwale: ea oo -ng

e. Ngwala lenaneo la dilo tše Kolo a nyakago go di dira. Šomiša fegelwana go di aroganya.



5 Hwetša mafoko ao a lego mo kanegelong ao a nago le maswaodikga a a latelago gomme o a ngwale:



b Bolela ka ga kanegelo:

- Efa leina la kanegelo ye.
- Baanegwathwadi ba kanegelo ye ke bomang?
- Bolela dilo tše 3 tše Kolo a nyakago go di dira.
- Naa o nagana gore kanegelo ye ke nnete?
- Go direga eng kua mathomong?



7 Ngwala kanegelo ka mafoko a 3, ka morago o thale seswantšho sa go hlaloša kanegelo ya gago.

LELEME LA GAE MPHATO WA 2



Puku ya 2

Hlogo:	Bophelo bjo boima
Leleme:	Sepedi
Kgato ya:	Leleme la gae Mphato wa 2 Kgato ya Puku ya 2
Mohuta wa sengwalwa:	Kanegelo
Mantšu a tlwaelo:	aowa, eya, ka gare ga, ka tlase ga, tshwarelo, nagana, bapala, ka pele ga, fihla
Tlotlontšu:	bokgobapuku, lebopo, phakeng, lora, lefastere, epa, redimoga, melekramo, namela, swinka
Medumo:	ee, oo, ou, ai, ea, th, ph, kh, kg, tl, hl, ts, tš, š
Diteng, marel le mabokgoni:	<ul style="list-style-type: none"> ▪ Go hlaloša seo se diregago mo diswantšhong. ▪ Go beakanya diswantšho ka tatelano ya maleba. ▪ Go šomiša diswantšho go anega kanegelo gape. ▪ Go diragatša kanegelo. ▪ Go beakanya ditiragalo ke lenaneo la maleba. ▪ Go laetša mantšu. ▪ Go hwetša mahlalošetšagotee mo kanegelong. ▪ Go feleletša mafoko ka go ngwala matlema. ▪ Go hwetša mantšu ao a nago le medumo ye e latelago mo kanegelong: ea, oo, ng ▪ Go ngwala lenaneo gomme o šomiše fegelwana go aroganya mantšu. ▪ Go hwetša le go ngwala mafoko ao a nago le maswaodikga a a latelago: khutlo, fegelwana, leswao la potšišo, leswao la tlabeego le ditsebjana. ▪ Go bala le go arabu dipotšišo tše di theilwego godimo ga tekatlhologanyo. ▪ Go ngwala kanegelo ka mantšu a gago gomme ka morago o thale seswantšho sa go hlaloša kanegelo yeo. (mafoko a 3)

SEPHOLEKE (CAPS) se nyaka gore
barutiši ba bee nako ka thoko letšatši ka
letšatši go bala ka sehlopha se se itšego sa
go hlahlwa.

Go bala ka sehlopha sa go hlahlwa go nyaka
gore barutwana bao ba lego maemong a go
lekana ka go bala ba bale sengwalwa sa go
swana, ka dihlopha ka tlhahlo ya morutiši.

Morutiši o swanetše go beakanya paka ya
go bala gore e akaretše mekgwana ya go
bala go ya ka go bala ka go bona mantšu le
difoneme le ya kwešišo yeo barutwana ba
tla e hlokago ge ba bala.

Gape mekgwana ye ya go bala e nyaka gore
go be "go bolelwa ka sengwalwa" magare
ga morutiši le bana gape le magare ga
barutwana mo sehlopheng.

Dipuku tše di akaretša 'go bolela
ka sengwalwa' tekatlhao loganyo le
mešongwana ye mengwe ya go thuša
barutiši gore ba kgone go hlahlha go bala ka
sehlopha ka diphapošing tše bona.

ISBN 978-1-4315-2491-4



9 781431 524914



ISBN 978-1-4315-2491-4

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright
holders but if any have been inadvertently overlooked, the Department will
be pleased to make the necessary arrangements at the first opportunity.

**Dipuku tše dingwe tše
Leleme la gae tše Mphato
wa 2. Rakeng ya dipuku:**



**Boati o hwetša bagwera ba
baswa**

Bophelo bjo boima

**Ka fao Pitsi e hweditšeego
mebala ya yona**

Jerry o rata go bala



**Bubu ngwana wa tlou o a
timela**

Bagwera ba direlana bjalo

Lepidibitšana la go befa



**Paeskela ye mpsha ya
Mogoroši**

Diphoofolo di etela lewatle

Leru Leruarua, o a pholosa